

# eBuletin

Buletini informativ



## Promovimi i librave nga Konkursi i botimeve 2014

Fondacioni DAUTI realizoi promovimin e tre librave të dalura nga Konkursi i botimeve për vitin 2014. Para auditoriumit të përbërë prej autorësh, publicist, botues përfaqësues institucionesh fjalën hyrëse e mori themeluesi i Fondacionit DAUTI z.Xhemail Dauti i cili tha se Fondacionit DAUTI është bërë promotorë dhe përkrahës i denjë i zhvillimit dhe fuqizimit të proceseve edukativo-arsimore dhe kulturore në vend.



*Në Teatrin e Fëmijëve në Shkup u organizua gara me shfaqje teatrale MILI, të përgatitura nga nxënësit e shkolave fillore pjesëmarrëse në projektin Fletushka Edukative MILI. Me dramat e tyre u prezantuan katër shkollat fillore nga Shkupi.*

*Nga ana e jurisë u vendos që vendi i tretë t'i takoj SH.F. Dituria - Saraj, vendin e dytë e ndanë SH.F. Liria - Shkup dhe SH.F. Emin Duraku - Bukoviq ndërsa vendin e parë e fitoi SH.F. Drita - Rashce.*

*Fëmijët gjithashtu u argëtuan edhe me paraqitjen e këngëtares Kanita Suma dhe me një koreografi vallesh të përgatitura nga ana e nxënësve.*

*Shpërndarja e fletushkës edukative Mili dhe shfaqjet u organizuan si bashkëpunim i Fondacionit Dauti, shoqatës Merhamet dhe shoqatës kulturnore Vizioni M.*

Z.Dauti shtoj se Fondacioni DAUTI në përbushje të vizionit dhe misionit të vetë, drejtë fuqizimit të kulturës e në veçanti librit ka përkrahur autorë dhe vepra të ndryshme duke kanalizuar këtë veprimtar me një konkurs të veçantë për botime, dhe njëherit uroj autorët e vaprave të cilat u përkrahën në këtë konkurs. Mbarëvajtjen dhe procedurat gjatë përzgjedhjes së vaprave i elaboroi anëtari i komisionit të botimeve z.Baki Bakiu ku sqaroi se nga 15 vepra në konkurrim Fondacioni Dauti përkrahu 10 (dhjetë) vepra dhe në tre vepra shfaqet si botues. Veprat të cilat u promovuan në kë eveniment ishin:

- Kodi i (vetë) njohjes – Xhelal Jakupi
- Prozë populllore nga Karshiaka e Shkupit- Hasan Ramadan
- Muzeu arkeologjik dhe etnologjik Krosi në Derven të Shkupit- Refik Krosi

Fondacioni Dauti do të vazhdoj të përkrah autorët dhe krijimtaritë e tyre tashmë me një konkurs dedikuar botimeve që do të shpallët me 1 Tetor i cili do të zgjasë deri më 31 Dhjetorë të këtij viti.



## Trajnimi për përmisimin e shkathtësive për punësim dhe prezantim



Trajnimi për përmirësimin e shkathtësive për punësim dhe prezantim i organizuar nga Fondacioni DAUTI u realizua në hapësirat e Odës Ekonomike të Maqedonisë Veri-perëndimore. Ligjërues në këtë trajnim ishte profesori Visar Ademi njëherit kryetarë i qendrës Karriera Ime i cili me përvjetorësi e tij të dëshmuar në këtë lëmi arriti që tek pjesëmarrësit në këtë trajnim të mbartë informacione për procesin e for-

të CV-së, Letrës motivuese si dhe detaje rreth intervistës dhe mënyrës se si zhvillohet ajo. Pjesëmarrësit në këtë trajnim u kyçën në mënyrë interaktive me pyetjet e tyre si dhe me punën në grupe si pjesë përbërëse e trajnimit. Për pjesëmarrësit në këtë trajnim Fondacioni DAUTI përgatiti certifikata të cilat i ndau themeluesi i fondacionit z.Xhemail Dauti.

Trajnimi për përmirësimin e shkathtësive për punësim dhe prezantim është pjesë e programit të trajnimeve që organizon Fondacioni DAUTI për studentët dhe nxënës për zhvillimin dhe përmirësimin e aftësive të tyre.

## Programi Full Scholarship

Fondacioni DAUTI duke pasur parasysh ecurinë e të rinjve, posaçërisht nxënësve të cilat janë bursistë në përfundimin e shkollimit të mesëm, nëpërmjet programit "Full Scholarship" ndjek ecurinë dhe zhvillimin akademik duke ua bërë me dije se do ti përkrahë edhe pas mbarimit të shkollimit të mesëm duke ju ofruar mundësi që ato të zhvillohen si kuadro të shëndosha në shoqërinë tonë.

Fondacioni DAUTI tashmë viti i dytë që realizon programin Full Scholarship nëpërmjet Universitetit të Evropës Juglindore (UEJL) me dy programe studimore të integruese.

- Menaxhmenti Bashkëkohor i Ndërmarrjeve
- Informatika e Aplikuar për Kompanitë TI

Programi Full Scholarship përshtin:

- Mbulim i shpenzimeve për studimet 100% (Participimi)
- 50% e mësimit ligjérata në UEJL;
- 50% punë praktike në kompaninë Dauti Komerc

Përqindja e punësimit të studentëve nga këto programe është 100%. Studentët që nga ditë e parë e studimeve janë pjesë e kompanisë Dauti Komerc, pas diplomimit studentët do të jenë të punësuar në strukturat menaxheriale.

## Fondacioni Dauti realizon Trajnimin ndërkombëtarë për Lidership Transformues

Fondacioni Dauti në bashkëpunim me Lucca Leadership Macedonia realizuan trajnimin ndërkombëtar për Lidership Transformues, trajnim një favor me trajnues ndërkombëtarë ku morën pjesë 21 participues nga vende të ndryshme të botës, trajnim u zhvillua në Berov ku pjesëmarrës ishin edhe disa nga bursistët e Fondacionit Dauti. Ky trajnim kishte përqelli fuqizimin e pjesëmarrësve me përvaja dhe aftësi për të bërë ndryshime pozitive në komunitetet ku ata veprojnë. Ky program mundësoi që pjesëmarrësit të zhvillojnë aftësitë e tyre të liderit nëpërmjet sesioneve të cilat u përcollën me detyra të krijuara enkas për ti furnizuar pjesëmarrësit me njohuri dhe aftësitë për të tejkular sfidat drejt realizimit të qëllimeve.



Trajnimi u realizua në disa module siç ishin: lidershipi transformativ, disiplinat e lidershipit transformativ, sesion mbi komunikimin, zotërimi personal module këto që vunë në sfidim secilin nga pjesëmarrësit e që njëherit mundësuan aftësimin e kapaciteteve të liderit tek çdonjëri.

Fondacioni Dauti i cili në objektivat e tij ka ngritjen e kapaciteteve dhe aftësive tek të rinjtë do të vazhdoj të zhvillojë dhe përkrahë trajnime të këtilla që këta të rinj njohuritë e tyre ti mbartin tek rrathi ku jetojnë dhe veprojnë përnjë qëllim vizionar drejt zhvillimit të shoqërisë në përgjithësi.



## Storje Suksesi me aktorin Bajrush Mjaku




Në praninë e studentëve dhe nxënësve bursistë të Fondacionit DAUTI dhe në prezencën e themeluesit të Fondacionit z.Xhemail Dauti dhe anëtarëve të Këshillit drejtues, më 24 maj e shtunë, në amfiteatrin e Universitetit të Evropës Juglindore në Shkup u realizua edicioni i tretë i Storje Suksesi ku mysafrirë ishte aktori Bajrush Mjaku. Takimin e hapi përfaqësuesi i Fondacionit Dauti z.Ilir Idrizi i cili tha disa fjalë rreth aktiviteteve të fondacionit gjatë kësaj periudhe. Aktori Bajrush Mjaku shpalosi para të pranishmëve momente të rëndësishme në karrierën e tijë 40-të vjeçare, duke potencuar vullnetin dhe ambicjet e tij për skenën dhe teatrin, turnetë e tijë nëpër teatrot dhe festivalet teatrore anekënd botës, çimimet ndërkombëtare të cilat e kanë kurorëzuar karrierën e tij, të pranishmit ndoqën edhe disa sekuenca të shkëputura nga dy monologje si "Ditari i një të çmenduri" dhe "Mbrojtja e Sokratit" si veprat më të rëndësishme në karrierën e aktorit.

Pas një kokteji modest i organizuar nga Fondacioni Dauti vazhdoj pjesa e tretë ku pësuan pyetje të shumta nga bursistët drejtuar aktorit e që begatuan më tepër këtë eveniment.

Fondacioni DAUTI

Të përkushtuar për të mirën e shoqërisë



### Ligjeratë dhe bashkëbisedim me Daut Demakun

Në shtëpinë e zejtarëve (zantave) në Çarshinë e vjetër, Fondacioni Dauti në bashkëpunim me Iniciativën Studentore USHT – Shkup organizuan ligjératë dhe bashkëbisedim me Daut Demakun. Kjo ligjératë realizohet me qëllim që studentët prej së afërmë të njoftohen me personalitetin e Daut Demakut dhe ligjératët e tij për ‘mendime pozitive’.



Daut Demaku në ligjératën e tij mbi ligjet e mendjes dhe mendimin pozitiv mbarti mesazhe dhe porosi të qarta tek pjesëmarrësit për njohjen e vetvetes dhe krijimit të vetëbesimit si një shtyllë e rëndësishme e suksesit në jetë, ku potencoja se çdo njeri është i veçantë dhe duhet të përpinqet që ti zbuloj potencialet e tij.

Pas një kokteji simbolik dhe recitimit të një poezie të autorit, pasoj debat i hapur ku pjesëmarrësit parashtruan pyetjet e tyre të cilave Daut Demaku me mjaft mjeshtri iu përgjigj.

Fondacioni Dauti do të vazhdoj të jetë pjesë e realizimit të ligjératave të tilla që mundësojnë ngritjen e nivelit edukativ dhe zhvillimit e njohurive të reja tek të rinjtë.



### U realizua projekti “Pako ushqimore-Ramazani 2014”



Fondacioni DAUTI gjatë muajit të madhëruar të Ramazanit është fokusuar në zhvillimin e aktiviteteve të saj për realizimin e platformës së projekteve të karakterit social dhe humanitar. Duke pasur synim zbutjen e gjendjes së rëndë ekonomike të disa familjeve në vendin tonë, marrë parasysh se gjendemi në muajin e solidaritetit dhe humanitetit. Fondacioni DAUTI me përkrahje të pa rezervë të donatorëve realizoj projektin “Pako ushqimore-Ramazani 2014”. Pakot ushqimore të përbëra me artikuj ushqimorë që plotësojnë nevojat elementare të një familje u përgatiten me ndihmën e disa bursistëve të Fondacionit Dauti dhe u shpërndanë në mënyrë të organizuar tek 100 familjet me status të rënd social që Fondacioni Dauti i ka evidentuar si familje në nevojë.

Ky projekt është pjesë e programit “Në ndihmë të atyre në nevojë” që Fondacioni Dauti e realizon gjatë tërë vitit duke promovuar përgjegjësi shoqërore korporative dhe filantropin si shtylla të misionit që si institucion tenton të realizon.

### F o n d a c i o n i D A U T I

Rr.20 Nr.97 Saraj, 1000 Shkup  
tel/fax:+389 (0)2 2057 632

info@fondacionidauti.org      www.fondacionidauti.org  
nt: 4075011501499      llog: 250020000104870-Sparkasse Bank